

相 雨 書 天 文 占 驗
 占 驗 錄 土 牛 經
 雲 氣 占 候 篇 通 占 大 象 曆 星 經



相 雨 書

黃 子 發 撰

相雨書

唐 黃子發 撰

候氣

凡有珥者。狂風迅起。在日爲風。在月有雨。五緯生珥。大雨滂沛者二十日。

候申後日有珥者。雨在次後一日。

候日暈。午刻前暈者。風起正北方。午刻後暈者。有大風發屋拔木。風從暈門處來。

視日出氣正白。日入氣正赤者。皆走石飛沙。

日入有光燭天者。晝夜連陰二十日。

日入返炤有黃光者。次後一日大風。

晚有斷虹者。半夜有雨達日中。

日已射廬。猶有霧者。細雨兩日。

三日有霧濛濛者。狂飈大起。

白虹降。惡霧遂散。

電光出西北方。雨注傾壁也。

相雨書

辰刻電。大風吹樹。至暮遂雨。

電光與星同耀者。有烈風暴雨。

日始出。南方有霧者。辰刻雨。

日出。無風而熱者。至日中。則雲雷作。風雨興也。

視黑氣于日下。如覆船者。立皆遂雨。

氣從下上于雲漢者。雨數日。

凡黃霧四塞者。日晴則雨。日雨則晴。不雨不晴。則民擾亂。

日沒有黑虹。次後一日雨。

月中生長虹。首南北貫月者。小霧三日。大霧五日。十二日後大雨雹。

西北聞雷。雨至之候也。次後二日復來。

既雨且霧。次復二日後大雨。

雨前霧者。至夕頽壁也。

雨後霧者。城陷之候。

遠觀十里外有青黑氣者。大雨將至。

午刻日色赤者。次後一日雨。申刻日色赤。次後二日雨。

日入光赤。七日後雨。日始出色赤。卽日雨。

觀雲

候日始出。日正中有雲覆日。而四方亦有雲。黑者大雨。青者小雨。

日入方雨時。觀雲有五色。黑赤並見者。雨卽止。黃白者風多雨少。青黑雜者。雨隨之。必滂沛流潦。

常以戊申日。候日欲入時。日上有別雲。不論大小。視四方黑者大雨。青者小雨。

以丙丁辰之日。四方無雲。唯漢中有雲者。六中日風雨如常。

以六甲日。平旦清明。東向望日始出時。如日上有直雲大小貫日中。青者以甲乙日雨。赤者以丙丁日雨。

白者以庚辛日雨。黑者以壬癸日雨。黃者以戊己日雨。

六甲日。四方雲皆合者。卽雨。

四方有躍魚雲。遊疾者。卽日雨。遊遲者。雨少難至。

四方有雲如羊豬者。雨立至。

四方北斗中有雲。後五日大雨。

四方北斗中無雲。唯河中有雲。三枚相連。狀如浴豬。後三日大雨。

日入時有黑雲相接于日。雨注卽傾滴也。

日沒時。雲暗紅者。或風或雨。

相雨書

午刻有雲蔽日者、夜中大雨。

日始出、東南有黑雲、巳刻雨。

日入西北、有黑雲覆日、夜半雨。

清晨雲如海濤者、卽時風雨興也。

雲逆風行者、卽雨也。

日巳出、卯刻有大雲、渾者、天陰、清者、天雨。

雲在山下布滿者、連宵細雨數日。

雲若魚鱗、次日風最大。

夜雨達旦、盈盈不盡者、細雨還大也。

天中有雲亂擾者、風雨最多也。

日出紅雲見、申刻有雨。

雨隨風亂飛無力者、霎時大霧天黯也。

日沒紅雲見、次日雨。

凡秋冬以東風、南風有雨、春夏以西風、北風有雨、訊頭風不長、過後風雨愈毒也。

夏日雨過。東風起遲。暮越大。將拔屋。
凡候雨。以晦朔弦望。雲漢四塞者。皆當雨。
如斗牛彘者。當雨。

暴有異雲如水牛者。不三日大雨。

黑雲如羊羣奔如飛鳥。五日必雨。

雲如覆船者。皆雨。

北斗獨有雲。不五日大雨。

四望見青白雲。名曰天寒之雲。雨徵。

蒼雲黑色。細如杼柚蔽日月者。五日必雨。

雲如兩人提鼓持桴者。皆爲大暴雨也。

日入時。雲皆如亂草者。次日雨。

朝辨雨法。有黑雲如一匹皂于日中。卽一日大雨。二匹。二日大雨。三匹。十日大雨也。

青白赤黑雲。在東西南北。名曰四塞之雲。見卽有雨也。

日午刻。有風亂動幃幙者。立時雨至也。

日出。其下有雲如散泉者。卽雨。或次日。

日中南方有雲如散泉者、申刻雨。
日入日上有雲如散泉者、或在日下、皆夜中雨也。
月下有黑雲如龜者、次日有雨。

察日月並星宿

日出不見雲有大風、日出卽煇、有細雨。

日出便有輝、雨在日內。

日出而雨、日入而息。

日色黑者、大霧細雨二十日。

日色無光、大雨。

日中重影、大雨三日。

日熱殺人、六月霜雨。

日出裂木、有雨。

日出、射竹木有光采、有雨。

月朔有雨、晦亦有雨、上弦日前後無雨、下弦則雨、下弦無月魄則注、晦日無上弦則雨。

月光大明、七日有雨。

三日月覆者次日雨。

晦日見月名曰炙虧日出必有雨。

月宿房雨如霰日中遂散月宿箕大風飛水月宿斗口中三日大雨月宿虛風發大水月宿畢風雨興也。

月宿井大水敗穀月宿張翼大雨雪。

月無光四日大雨。

月返炤大雨。

月與水宿會大雨三日。

太白入斗五日陰雨不見星。

會風詳聲

雨中大風飛雹者九日後復來。

雨後簷前有滴聲者不久又大雨。

春日北風晴日中又雨。

九日不改風每日風雨日星皆見謂之太和雨扣石無聲日中大雨。

始雨瓦木皆有聲大雨在半日後。

雨注聲如裂帛南方百里外有火災。

細雨有聲。東方五十里外有火災。
雨過瓦裂作聲。西方十里外有火災。
風雨俱從坎處入幕吹瓶有聲。北方三里有火災。三十里外復有火災。五百里外大火流血。

推峇

春雪後二旬有大風。
凡以降霜後有風雷者。次歲春多陰。
立春不見日。雨在春末夏初最多也。
春日寒者有久雨。
冬雪不積。小雨將至也。
冬雪久積。又有大雪也。
月二十五六日不雨。初五六日必雨。
二十二日雨。二十八日又雨。
正月不見雨。二月不見晴。
夏旱三十日。次歲春雨二十日。
秋旱三十日。次歲夏雨七日不止。

凡夏旱甲子日雨者、秋旱四十日、秋甲子雨者、冬旱六十日、冬甲子雨者、春旱四十日、春甲子雨者、夏旱六十日。

相草木蟲魚玉石

每夕取通草一莖、以火然之、盡者、次日晴、不盡者雨、雨注著樹不下地、邑有災也、或曰、大水沒郭、

雨凝如漆、著竹木上、其主有凶、

視鶴鳴亂翔、夸睪飛鳴者、雨立至、

鴉飛、鼓翅有聲、將雨累日、

樹穴生水、天有雨、雨落井中生泡者、越下愈大也、

雨中鴉鳴、翅無聲、雨遂止、

視蜩登壁者、將雨之候也、

視魚躍波者、天將陰雨、

壁上自然生水者、天將大雨、

石上津潤出液、將雨數日、

雨注不息、政不和也、

虎龍相鬪。日光大烈而雨也。
犬貓食草。次日雨又晴。

候雨止天晴

雨後見漢中有雲在箕尾間。天晴之候也。

陰雨時。雲下見有日光。則天晴。

雲飛疾。雨下速者。風雨即止。

曉雲在東。無雨天晴也。

夏日夜中雨至旦日出。便止。

雨注無風。五日後始晴。

候晴六十日者。以甲子雨者。二日止。乙丑雨者。二日止。丙寅雨者。即日止。丁卯雨者。日沒止。戊辰雨者。夜半止。己巳雨者。立刻止。庚午雨者。一日止。辛未雨者。七日止。壬申雨者。即止。癸酉雨。二日止。甲戌雨。即時止。乙亥雨。即日止。丙子雨。夕止。丁丑雨。夕止。戊寅雨。即止。己卯雨。立止。庚辰雨。即止。辛巳雨。二日止。壬午雨。即止。癸未雨。一日止。甲申雨。即日止。乙酉雨。一日止。丙戌雨。夕止。丁亥雨。即時止。戊子雨。二日止。己丑雨。三日止。庚寅雨。即止。辛卯雨。二日止。壬辰雨。八日止。癸巳雨。夕止。甲午雨。即時止。乙未雨。二日止。丙申雨。夕止。丁酉雨。一日止。戊戌雨。一日止。三日。天晴雨大止。己亥雨。即時止。庚子雨。四日止。辛丑雨。一日止。

壬寅雨、卽時止。癸卯雨、卽止。甲辰雨、卽止。乙巳雨、一日止。丙午雨、卽時止。丁未雨、立止。戊申雨、二日止。己酉雨、二日止。庚戌雨、卽時止。辛亥雨、二日止。壬子雨、一日止。癸丑雨、卽時止。甲寅雨、立時止。乙卯雨、一日止。丙辰雨、一日止。丁巳雨、卽時止。戊午雨、立止。己未雨、卽時止。庚申雨、四日止。辛酉雨、卽日止。壬戌雨、卽時止。癸亥雨、立止。半天雲霧見日在洞中雨止天遂晴。

禱雨

冬春夏秋四時之首。甲子日不宜雨。雨必旱在六十日後。以此之時請雨。則用壘土爲龍。使二童舞之入山。如此數日。則天降甘霖也。故淮南曰。土龍致雨。

凡少年婦女。仰天大號泣不語。則雨降。

神農求雨書曰。春夏雨日而不雨。甲乙命爲青龍。又爲火龍。東方小童舞之。丙丁不雨。命爲赤龍。南方壯者舞之。戊己不雨。命爲黃龍。壯者舞之。庚辛不雨。命爲白龍。又爲火龍。西方老人舞之。壬癸不雨。命爲黑龍。北方老人舞之。如此不雨。遂潛處闔南門。置水其外。開北門。取人骨埋之。如此不雨。命祝巫而暴之。暴之不雨。神山積薪。擊鼓而焚之。

祈晴

雨久急欲止者。取銅瓶著四五斗沸湯。綿絮固口。入井。聲振數十里。則雨止。但旱五十日耳。大潦欲止者。使三寡婦。七孤兒。持搗米杵。孤兒仰天號。寡婦伏地哭。則雨立時而止也。

以下闕七條。

右相雨書十篇。候氣者三十。觀雲者五十有二。察日月並宿星者三十有一。會風者四。詳聲者七。推時者十二。雜觀者十四。候雨止天晴者七。禱雨者三。祈晴者九。共爲百六十有九。皆有準驗。爲唐人黃子發所著。夫唐三百年間。論天文者寥寥可數。況卜陰晴于俄頃。辨風雨于一時乎。歷朝以來。惟漢東方曼倩著風雨書二卷。京房著占一卷。訖今不傳。固可惜也。嗣後七八百年之間。絕而不彰。卽淳風天網天文之士。所著亦不過占星候氣而已。未嘗究竟于風雨也。夫風雨之候。有關於國者最大。軍期祭日。率有所資。下至野老農夫。無不秉耒而觀晴雨。是以曠代不聞者。或恐占之而不驗。或疑五行之不詳。而不知天日之理有不然者。往年予適楚。偶于故家敗簾中。得是書。殘編斷簡。僅十四頁。披閱其目。校之祇闕數行而已。于是手錄一過。并贅以贊云。天地之大。萬物俱載。不風不雨。民復食土。旣風旣雨。乃得其所。數風數雨。人民其苦。若夫太平之世。五風十雨。市井晏安之時。得是書以課卜陰晴。亦是隱居一樂耳。大德八年歲次閏逢執徐。八月仲秋。紫陽山虛谷叟方回序。

天 文 占 驗

周 履 靖 校 梓

天文占驗

本館據夷門廣牘
本影印初編各叢
書僅有此本

天文占驗目錄

占天

占雲

占風

占日

占虹

占霧

占電

占海

占潮

正月占

二月占

三月占

四月占

五月占

六月占

七月占